

مستطاب

اداره مخصوصه
در سعادتده باب عالی خاده سنده
محل اداره :

انتظار :
مسکمزہ موافق آثار جدیدہ مع المنونہ
قبول اولنور
درج ایدلہ بن آثار اعادہ اولنور

دین ، فلسفہ ، ادبیات ، حقوق و علوم دن باحث هفته لق رساله در

مؤسسی : ابوالعلا زین العابدین - ح . اشرف ادیب

در سعادتده نسخہ سی ۵۰ پارہ در

قیرلہ دن مقوا بورو ابلہ کوندر پیرسہ سنوی
۲۰ فروش فضلہ آلنیر

تاریخ تاسیسی :
۱۱ نوموز ۳۲۴

سنہ لکی	التی آیانی	درسه دتده
۶۰	۳۰	ولایاتده
۸۰	۴۰	ملک اجنبیہده
۸۰	۴۰	

در سعادتده پوسته ابلہ کوندر پیرسہ ولایات بدلی خندا اولنور.

ایکنجی جلد

۳ ربیع الاول ۳۲۷ پنجشنبه ۱۲ مارت ۳۲۵

عدد : ۳۱

علی فرخ بك افندی صوفیه ده قومیسر ایکن احبادن برنی صوفیه کتبخانه سنه بره رست یاقی ایچون تعین ایلمشدی . ایشته اووقت بومکتوب اله یکمشد . بر قوییه آندی . اصل ، بنه اوراده در ، باقی اخوت ... بر اوادی مفتی .

مصطفی صبری

« مؤمن قرداش .. جمله ادله یه نظر اولندی ؛ منافات یوقدر ، توفیق آساندر . تسلیم ایده لم که منافات اولسون ؛ عدم جوازندن جوازی اقوادر . بومسئله نك جوازنده گچمش وعاضرده سزندن غیرى علمادن براحد مخالفت ایتمدیکی اقوی ایدوکنه دلالت ایدر ، الیکزده اولان جمله تمسکری بیلورلر ، اکثری سندن اعلم واتقی در . عمل ایتمدیکنز ، سکا بودلیل یتز می ؛ سلم که ضعیف اولمش ؛ اقوی طورور اینکن قول ضعیف ایله عمل ایله مک جائز دکدر ، دیرسک . سزه کیم جبر ایلدی ؟ قاضیسکر اولدیکنز ؛ ملازمینه قاضیلک ویررسک ؛ بومسئله ده اقوای اقوالدن هانکی قولله عمل ایله دیکنز ؛ وقاضیسکر لکدن آلدیفکنز عوائد اقوای اقوالدن هانکی قولله در ؛ طالب اولانلره قاضیلک ویرمک اقوای اقوالدن هانکی قولله در ؛ بوجهایی برکیمسه منع ایلسه ، بدعت احداث ایلر ، دیرسک . وقف دراهم بوجهلندن دخی ضعیف اولدی ؛ اگر دیر ایسه ک « قاضیسکر اولمق فی زماننا اوزریمه لازمدر » بومسئله ؛ ضعیفه ایله ده عمل ایله مک لازمدر . اگر دیر ایسه کنز : « طالبینه قاضیلک ویرمک وقاضیسکر اولمق وبومحصولاتی اخذ ایتمکه تعامل ناس جاری اولمشدر ، اقوال مجتهدین ایله منع اولتماز » ؛ جمیع وقف نقوده تعامل جاری اولمشدر ، اقوال مجتهدین ایله وزبده الفتوی کلامی ایله منع اولتماز . جمع احوالکنز هب فتوی واقوی اوزرینه می اولدی ؛ هان ضعیف ، نقوده می منحصر اولدی که منع ایدرسک ؟

مؤمن قرداش ... حاشاکه ، یواظهار حق اوله ؛ اغراض نفسانیه دندر ، نسبت وتقصیردر ، اوچیوز بیله قریبدر عمل اولنه کلش قول مجتهد ، اگر ضعیف دخی اولسه منع ایله مک شرعی دکدر ، بلکه بدعتدر . اگر برکیمسه منع ایله مک قیام ایدرسه بویله ایدن قاضی وقاضیسکرک شرعاً عزلی واجب اولور . من بعد اولماسون ، دینه منع ایله دک ، کندی سوزکله نفسکی عزل ایلدک ، وملزم اولدک اقوال ضعیفه دن بر قول یوقدر ، الا وقتده عمل اولنسه کرک . حتی ائمه مجتهدین بعض احکامی منع ایتمشدر ؛ مقتضای زمانله عمل اولنور . ائمه مجتهدین بعض مسائلی زمانه ومکانه تعلیق ایتمشدر ؛ استداره زمانه تابع اولمق لازمدر . بعض احکامده شریعتک احوالی مقتضای زمانه تابعدر . ابی کیدیور ایکن عالی قاریشدیرمه ، اضطراب ویرمه ، فتنیه باعث اوله ؛ اگر وقف نقودک منعه شرعاً دلیل بولمق ایسترسه ک ، میسر دکدر ، بوله مازسک ، امک خرج ایلمه ؛ الکنه اولان تمسکدر ائمه سنه اوغراماز ، آنسکه ممنوع اولمق احتمالی یوقدر . غایت التزام اولسه ده مساوات ادله برشی مساویسنی ابطال ایله ماز . بومسئله می کندی حاله قوی ، منع ایلمه ؛ نیجه کلدیسه اوپله کیتسون . هنریز وقتلو مسئلهدر . امت محمدک دنیا و آخرتی معمور اولسنه سبدر . ارکان اسلامک رکن اعظمندن برنی هدم ایلمه ، دینه

بوالبسه مراقی اوککلرده ده وار ، قادیبلرده ده . اونک ایچون ، محضاً تزینات ظواهر ایچون هرشیئی فدا ایدزیر ؛ پک منهکارانه دوزانیرلر . اک زیاده مذموم اولان جهت بوانهماکدر ، انسان نه پارهیه ، نه میکه ، نه البسهیه .. هیچ بر شینه ارتباط حاصل ایتمه می ؛ کوکلندن ارتباط وتعلق حاصل اولمازسنه اله بولمق مانع دکدر ، چونکه الله حلال ایتمشدر ، نفیس نفیس طعاملر ، اعلا البسهلر ، هرکسک وسعته کوره حرام دکل ، صورت مشروعه ده قازانیلیرسه استعمالی مشروع صاییلیر . بلکه بعض احوالده واجب اولور .

(قل من حرم زینة الله التي اخرج لعباده والطيات من الرزق) هر نعمت الهیهدن صورت مشروعه ده استفاده ایدرسک ؛ فقط حق شکرینی ایفایه چالیشه رق ، مادی ومعنوی مستفید اوله رق . (اذا انعم الله على عبده الخ) حدیث شریف معلومکنزدر . یعنی الله بر قوله نعمت احسان ایدرسه اوزرنده اونک اثرینی کورمک دیلهر . هرشیئک اطیب اولانلری ، اک زیاده ذوقه کیدنلری ده استعمال اولونه بیلیر ، لکن هیچ بر شینه کوکل ویرمه می ، آلایشه باغلاماملی غیر مشروع اولورسه قاجلی .

۵۳ نجی درسک صوکی

تهرمان حریت نیازی بك افندی طرفندن کوندریلوب کچن هفته کی نسخه منر ماکنه یه وریلدکن صوکر ادیره خاه منزه تبلیغ اولونان تلفرافنامه در ؛

صراط مستقیم غزته سنه

سربستی ایله سربست از میرده فرقه احراره انتسابه دائر بر فقره کوردم ؛ کلیاً یالان وفساد آمیزدر . ایشته مطبوعاتمک حالنی کورملی . مطبوعاتمزدن بونمی انتظار ایده جکدک ؛ وطنمزی قورتاران ، آغزلمزی آچدیران اتحاد وترقی جمعیتی دکلی ؛ بوکا تعرض کفران نعمت دکلیدر ؛ بوجعیتک مقصدی سعادت وسلامت وطندر . عمرم اولدقه اتحاد وترقی جمعیت محترمه سنک اک عاجز بر اعضاسی صفتیه محترم ملتمه خدمات فدا کارانده بولنه جغمی وبوعزمی اولومدن غیرى هیچ بر شئیئک تغیره امکان اوله میه جغنی کمال فخر ایله اعلان ایدرم صافدل اهالیمزک تربیه اخلاقه چوق احتیاجلری واردر . مطبوعاتمذن خدمت بکلرایکن منفعت شخصی طولا یسیله بالعکس فکرلری زهرانیور . وطنی سسون بونلره اهمیت ویرمز ؛ فقط کناهدر ، آرتق یتر ! .. مطبوعات وارباب مفسدندن انصاف ! .. ۳ مارت ۳۲۵ سنه اتحاد وترقی جمعیت عاجز اعضالندن

قول اغاسی : رمزی نیازی

اهمای آثار :

افندم ، صراط مستقیمه هدیه اوله رق اوج یقینی همدردن ده از یاده بر وقتده یازیش بر مکتوب کوندریبورم . مناسب ایسه طبع ایدرسکز . صوفیه بر سیاحت بعد مسافده کاش صالحیه قریه سنده مدفون رجال خلوتیدن حضرت بالی طرفندن قاضی عسکر جیوی زاده محمد محی الدین افندی یه یازیشدر . احرارانه بر مکتوب . نه قدر ساده ، نه قدر دوفرو . بر مسلماندن دیگر بر مسلمانه ، خصوصیه بر طامدن دیگر بر طامله . القاب غایت خوش . هیچ تکلف بوق . مرحوم

خرج ومضایقه ویرمه! بدعت، ضلالت احداث ایلمه! کنیدی اقوال ضعیفه ایله عمل ایتمکدن منع ایله وغیری بی دخی منع ایله! مؤمن قرداش... اقوال ضعیفه ایله عمل ایتمکده وقف دراهم ایله عمل ایدنلرله برابر سک. آخرتده آنلره نه لازم اولورسه سکاده اولور. هان سن مخالفتکله قایلر سک. علما زمره سندن آیری دوشوب یا کیملر ایله حشر اولورسون؟..

مؤمن قرداش... روم ایلیک بعض عمارتلی و بعض مدارس و مساجدی و اکثری جامعلری اوقافی نقوددر. جهه سی آت آخوری اولوق مقرر اولدی؛ من بعد معمور اولوق میسر اولماز.. وشهر لر و قصبانک صولری اوقافی نقوددر، قورومق مقرر اولدی؛ من بعد یکیدن عمارات ممکن دکلدرد. عمارات، مساجد و مدارس و دخی بونلرک امثالی خیراتدن نه کم وارغایت آز واقع اولور. و دخی نیجه یرلر اوله که نه دین، نه ایمان عمرلری بهایم کبی کله. کچه. وقف نقودی منع ایتمکدن حاصل بودر. بیلمش اوله سک که آنلری بونجه ثوابدن محروم قورسک. و اگر نه اولورسه اولسون همان بومسئله نك وجودی علندن کورتورسون، دیرسه ک آنی ینه سن بیلورسون.

مؤمن قرداش... برکیمسه «قضاتک کتابلرنده تعیین اولناندن زیاده نکاحدن و حجتدن وغیردن آدقلری حرامدر» دیسه کفر قورقوسی واردر. زیرا تعامل ناس جاری اولوق اجماع مرتبه سنده در. سنت ایله اولمشدر، حجت قاطعه در. وقف نقودک صحته ده امام حسندن و امام محمددن و امام زفر دن (رحم الله) نقل وارد اولدی، فقهانک فتوا کتابلرنده «وبه یفتی» دینلدی، و تعامل ناس جاری اولدی. برکیمسه بومسئله یه «باطل و حرامدر» دیسه نه فکر ایدرسک؟ هیچ اوله می که اوکیمسه صاغقله قورتوله؟ آنک حقتده اولی بودر که توبه و استغفار ایله یه، بلکه احوالک یکله یه. وقضاته لایق اولان بودر که اوله کلشدن زیاده المایه لر، فقرایی مالندن اوتری تضییق ایله مه یلر که سؤاله و دینه مؤدی اولمایه کیم مکر و هدر، تعدی و تظلمه راجعدر، سوء عملدر. یوم جزاده سؤال احتمالی واردر. احتراز محیدر. فقرانک مصالحنی رضاء لله کورمک و اجیدر، سعادتلرینه سبیدر، حقلک غفرانه استحقا قدر.

مؤمن قرداش... مفتیلر بر طرفدن اطراف عالمه فتوالر کوندر یرلر؛ صحیحدر، اقوی در، دیه.. سز بر طرفدن حکملر کوندر یرسکمز: عمل ایتمک، دیه. نیجه هدایتدر؟ نیجه اصلاحدر؟ دین اسلامک انقراضه سبیدر. غیر برشی صحیح و مفید دکلدرد. بونک کبی فعل، مؤمنه لایق دکلدرد. خصوصاً اهل علم اولان علمایه سویلر سک: زفرک بوقولی شرعی دکلدرد، دیه. امام زفر مجتهد فی المذهبدر، بعض اقوالی مفتی به در: خصومه وکیل اولان قبضه وکیل اولماز... ائمه ثلثه قنده، امام زفر قنده جائزدر. [۱] فی زماننا قضاة آنکه عمل ایدرلر. غایتی

[۱] اشبو عبارته نت اصلنه تمامیه موافقی جای ترده در. برابکی کله اکسک اولوق احتمالی واردر. زیرا خصومه وکالتک قبضه وکالتی استلزام ایتمه کبی امام زفر حضرتلرینک قولی در. نه کم سیاق و سیاق افاده دخی بونی کوستریور. ائمه ثلثه من (مام اعظم، امام ابی یوسف، امام محمد) حضرتلرینه خصومه وکیل

بوکه خطا ایلمش اوله، مجتهدک خطاسی دخی شرعی در. اهل علمه لایق میدر که، شرعی دکلدرد، دیمک؟ برغیری کشی دیسه کفرنه حکم ایدر دیکز. بو خصوصی مفتی به و محی الدین چلبی به آرقوری قویغه لرنده کی تمسکلرندن غیری بومسئله معمول بها اولاندن بری جهه علمایه حجت قاطعه در. سنک مخالفتدن غیری نسنه ک بوقدر. سنک علمک، علمانک علمنه و عقلنه و اسلامنه برابر می اولسه کرک؟ جهه نك رأی خطا اوزرینه ختم اوله، سنک اصابت اوزرینه می اوله؟ واقف علم لدن اوله سک، هیچ جائز کورر کور کیمسه وارمی؟ شرعاً سکا حکمنی اعاده ایلمه مک و اجیدر. جهل عذر اوله من. کال پاشا اوغلی اوچ فتوا سندن رجوع ایلدی؛ فقیر بیلیم. امام فخر رازی رحمة الله علیه نیجه بیللر بر مسئله یه یقینی وارایدی؛ خلاف ظاهر اولدی، نیجه کونلر و نیجه بیللر آغلادی: بنم حالم نیجه اوله، دیه، اگر جهه بیلدیکم بونک کبی خلاف واقع اولور ایسه وای بکا!... دیدی.

مؤمن قرداش... علما و مؤمنین و کامللر بونجین اولورلر، خطالرینه اعتراف ایدرلر؛ حق تعالی قنده مقرب و محبوب اولورلر. مؤمن قرداش... حق تعالی حضرتلرینه یوز آقلمی ایله وارمق مرادک ایسه، مسئله یی نیجه یقیدک ایسه ینه اوله جه یاپ.. ظاهر روایت کتبه عمل ایله دک، اقوادن ضعیفه عدول ایله دک، نهدن قاچدک ایسه ینه آنک اوزرینه اوغرادک. جمهور علمانن خطا مرفوعدر؛ فی ای عصرکان تصدیق ایتمک و اجیدر. حقیقه الشرع اولی مصدق اولوق اوزرینه منتظم اولمشدر. جمهور علمایی تکذیب ایتمک کذبدر. ختم کلام بودر که وقف نقودده تعارف ناسه اعتراض ایدرسک و اقوال مجتهدین ایله ابطال ایدرسک؛ بو بر امر غیر سبیدر که معناسنی انجق ینه سن بیلر سک. مؤمن قرداش... بومذکورات، که واقع اولدی، بزدن بیلمه ینه کندی نفسندن بیل. غیرت حق غلبه ایلدی، بی اختیار صادر اولدی. غایته کندی نفسنی کوردک، اعزاز و اکرام ایله دک؛ شرعاً تعظیم واجب اولور طائفه نك اولوسنی و دیریسنی و اولوسنی و کچمشنی تحقیر و تجهیل ایله دک... آنلر مخطی اولمقدن معروف بودر که سن اوله سین. آز نسنه دکلدرد، برکلی قضیه در، عقوبات مترتب اوله جق نسنه در. بوزم کلماتر سزه جانب حقندن عتاب و عنایتدر و تنبیدر. بیلمش اوله سک حقلک بولطقی و عنایتی دکله ره نصیب اولماز. نه اوله ایدی حق تعالی وجل بزه دخی نصیب ایده ایدی؛ برکیمسه خطامزی اعلام ایده ایدی.

مؤمن قرداش... بوکلات که بزدن سزه واقع اولدی، اگر حقسه استغفار ایده سک؛ اگر باطل ایسه بزه دخی اعلام ایده سک، بزدخی جوابنه قادر اوله ماز ایسه ک باری توبه و استغفار ایله یلم... والله اعلم بالصواب...

اولانک قبضه صلاحیتی قبول اولونمشدر. دیکر ائمه ثلاثه یعنی امام مالک و شافعی و احمد بن حنبل حضرتلرینه امام زفر کبی اجماع بیورمشدر بربارین بوجه نك اصل و شیعه یی برده هان یقینی معطلی صبری افندی حضرتلرینک لفظلرندن بکار ز...

هلال مطبعه سی ابوالعلا